

Terapijska
zajednica
„Viktorija“
Banja Luka



Besplatan program za ovisnike

**Rehabilitacijski program traje dvije godine,
uz šest mjeseci resocijalizacije**

Terapijska zajednica „Viktorija“, koja se nalazi u selu Bastasi kod Banje Luke, otvorila je vrata za sve osobe koje imaju problem s ovisnošću o narkotičnim sredstvima i nudi im besplatan program rehabilitacije.

Čovjek!

Rehabilitacijski program traje dvije godine, uz šest mjeseci resocijalizacije. U socijalnoj izolaciji ovisnici putem okupacione i psihosocijalne terapije mijenjaju sklop ličnosti, životnu filozofiju i usvajaju društveno prihvatljive

norme ponašanja. Tokom tretmana dolazi do niza pozitivnih promjena u pogledu moralnih vrijednosti i ponašanja, socijalnog, emotivnog, intelektualnog i duhovnog rasta ovisnika o psihoaktivnim supstancama, kaže Adnan Šećerović, projekt-kordinator Udruženja „Viktorija“.

Rad ove terapijske zajednice se temelji na psihosocijalnom programu pod nazivom Čovjek! Program rada je apsolutno nekonfesionalan i namijenjen je pripadnicima svih nacija i vjeroispovijesti. Svi

zainteresirani ovisnici i članovi njihovih porodica, za dodatne informacije, imaju na raspolaganju „Viktorijin“ SOS telefonski broj: 051 43 43 00 koji mogu kontaktirati svakim danom u periodu od 09 do 19 sati.

Pristup liječenju

Udruženje građana „Viktorija“ od juna prošle godine implementira projekat terapijske zajednice za socijalno ugrožene zavisnike, koji finansijski podržava Fondacija za socijalno uključivanje u Bo-



Adnan Šećerović: Niz promjena

sni i Hercegovini i Grad Banja Luka. Osnovni cilj projekta je omogućavanje pristupa liječenju zavisnicima od droga koji spadaju u kategoriju socijalno ugroženih i siromašnih, čije porodice nisu u poziciji da novčano participiraju u liječenju od narkomanije u terapijskoj zajednici.

Mi. DAJIC